




官板

詩集傳名物鈔

八止

仁正  
772  
8







詩集傳名物鈔卷第八

東陽許人謙

頌四

清廟一頌祀文王

經○駿音峻○語錄問或疑清廟祀文王之樂歌然初不顯頌文王之德者何也某應之曰文王之德不可名言凡一時在位之人所以能敬且和與執行文王之德者即文王盛德之所在也必於其不可容言之中而見其不可掩之實則詩人之意得矣讀此詩者想當時文聞其歌者真若洋洋乎如在其上如在其左右又何待多





著言語委曲形容而後足哉妄意如此答曰此  
說是○又曰對越在天便是顯處駿奔走在廟  
便是承處○毛氏顯於天矣見承於人矣不見  
厭於人矣

秉文之德總承上二句其助祭能敬和明顯  
之諸侯及濟濟之多士皆執行文王之德也  
對越在天內敬也駿奔走在廟外恭也其心  
足以對在天之神明方可以盡駿奔走之職  
其助祭之臣且如是則主祭之君可知文王  
之德化於後世如此則無射於人可知矣  
傳○與音預朝音潮○題下駢息營反愀七小反

復扶又反䟽山於反乾音干豆上之上時掌反  
筦管同

維天之命頌祭文王異

經○釋文假音暇溢音逸毛氏假嘉溢慎也箋溢  
盈也○駿音峻曾音增

傳○簡古莧反異

維清頌祭文王異

經

維清明而緝續其光明者文王之常也既曰  
緝熙又曰文王之典是極贊文王之純德不  
已爾所以自文王始嗣位主祭祀以來積而



至於今日乃有成今周之所以致太平者實文王為之禎祥也

烈文四頌獻助祭諸侯異

經○祉音耻

傳○殖丞職反大音太樂音洛

天作五頌祭大王異

傳○朱子韓文考異阻與阻同則此徂字當從阻

音據據同辟僻同易羊豉反

昊天有成命六頌祀成王異

傳○周語晉叔向曰昊天有成命頌之盛德也其

詩曰昊天有成命二后受之成王不敢康夙夜

基命宥密緝熙亶厥心肆其靖之是道成王之德也成王能明文昭能定武烈者也夫道成命者而稱昊天翼其上也二后受之讓於德也成王不敢康敬百姓也夙夜恭也基始也命信也宥寬也密寧也緝明也熙廣也亶厚也肆固也靖齎也其始也翼上德讓而敬百姓其中也恭儉信寬帥歸於寧其終也廣厚其心以固齎之始於德讓中於信寬終於固齎故曰成向許丈反齎和同

我將七頌祀文王於明堂配上帝

經○疏禮稱郊用特牲祭法云燔柴於泰壇祭天



詩集傳卷八  
用駢犢則明堂祭天亦當特牛矣而得有羊者其配之人自當用太牢○詩緝儀式刑猶書云嚴祗敬累言之者謂法之不已也○語錄問右作左右之右與舊不同曰周禮有享右祭祀之文如詩中此例亦多如既右烈考亦右文母之類此詩作保佑說更難方說維羊維牛如何便說保佑到伊嘏文王既右享之也說未得右助王愚案此詩右字無音而釋曰尊也神坐東向在饌之右所以尊之也是則左右之右為上聲字時邁亦釋曰尊而無音亦當作上聲讀雖詩既右烈考亦右文母亦釋曰尊也而音

又下引周禮享右祭祀以證之均訓曰尊而有上聲去聲之不同語錄却引享右祭祀以證為左右之右而周禮音義皆作侑三詩音既不同義亦似異而雖傳及語錄引用周禮亦覺不同未詳如何

傳○題下語錄問傳謂祀明堂周公以義起不知周公以後將以文王配邪以時王之父配邪曰諸儒正持此二議至今不決看來只得以文王配且周公所制之禮不知在武王之時在成王之時若在成王則文王乃其祖也亦自可見

時邁

八頌

巡守祭告



經

巡守諸國出以時而動以禮昊天其必子愛我矣天之實右序有周何以見之巡以警諸侯則諸侯震懼而畢朝巡以祀鬼神而鬼神感格以致享若是則天實右序之而王信為天下之君矣又言我周之德昭明燭下無隱慶讓黜陟式序在位皆得其當故戒征伐而不用敷德教於中國若是則王信能保守天命而無失矣薄言震之莫不震疊朝會之事也懷柔百神及河喬嶽望祭之事也載戢干戈載橐弓矢偃武也我求懿德肆于時夏修

文也

傳○守式又反朝音潮

執競

九頌

祭武王成王康王

異

思文

十頌

后稷配天

經○吳正傳天之於民育之以全其生教之以全其性而已所以命聖人者以此也聖人所以配天者亦以此也文者總言后稷之德莫匪爾極以全民之生者言也陳常于時夏以全民之性者言也立我者稷也命之者帝也後言陳常者富而教之也

傳○遺惟季反



右清廟之什

臣工頌十戒農官

經

前四句美之後則戒之也嗟嗟臣工能敬爾  
在公之事王已賜爾成法而又來咨度可謂  
敬其事也於是重歎以告之曰莫春之時將  
何所求乎惟當言如何用力於新畬耳於此  
時見來年之美而歎之知其必有成而將受  
上帝之明賜矣以來年之美則可以卜上帝  
之必賜以豐年也蓋歲之豐歉主於秋而麥  
則以濟一時之食故以此卜之也今既得豐

年之兆惟宜命農人具農器以盡其力則將  
忽見收成之不遠矣

傳○重直用反度待洛反女音汝為于偽反○朱  
子曰鄭氏據月令天子親載耒耜措之于參保  
介之御間以為車右衣甲持兵故曰保介案呂  
氏春秋亦有此文高誘注云保介副也鄭氏之  
說迂晦不若高誘之明白衣去聲○新畬見小  
雅采芑○鉞七遙反字與鋤同疏古田器韻會  
江淮謂之畱畱楚洽反

噫嘻頌十戒農官異

經○駿音峻○解頤新語周人以諱事神駿發爾



私克昌厥后皆不諱何也蓋周之前無諱至書稱元孫某則諱之始也然不以其名號之耳不指其人則亦不諱如穆王名滿後有王孫滿襄王名鄭後有衛侯鄭匡王名班春秋書曹伯班簡王名夷春秋書晉夷吾皆周之故實也傳○竒居宜反○箋據周禮遂人凡治田野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路計此萬夫之地方三十三里少半里也疏萬夫之地廣長各三十三里餘百步既三分里之一為少半里是三十三里又少半里也遂人

注十夫二鄰之田百夫一鄰之田千夫二鄙之田萬夫四縣之田遂溝洫澮皆所以通水於川遂廣深各二尺溝倍遂洫倍溝澮廣二尋深二仍徑畛涂道路皆所以通車徒於國都徑容牛馬畛容大車涂容車一軌道容二軌路容三軌遂洫從溝澮橫九澮而川周其外如是者九則為方百里之同畛之忍反洫沉域反涂塗同澮古外反廣去聲鄩祖管反○雨去聲振鷺三頌十二王之後來助祭經○戾至也○斨音亦○語錄問振鷺詩非正祭樂歌乃獻助祭之臣未審如何曰看此文意都



無告神之語恐是獻助祭之臣古者祭祀每  
受胙主與賓尸皆有獻酬之禮既畢然後亞獻  
至獻畢復受胙如此禮意甚好有接續意思

傳○鷺見陳宛丘○朱子先儒多謂辟雍在西郊

故曰西雝○地理志陳留郡雍丘縣故杞國周  
武王封禹後東樓公先春秋時徙魯東北○宋

見商頌○左氏傳注疏有事祭宗廟也膳祭肉  
尊之故賜以祭胙以敵體待之故拜其來弔其

餘諸侯則否

豐年

頌十

四 秋冬報賽田事

經○廩說文本作畝穀所報入宗廟粢盛或作廩

傳○黍見王黍離○百攷毛氏曰數萬至萬曰億

數億至億曰秭疏定本集注云數億至萬曰秭

案甄氏曰黃帝為法數有十等及其用也乃有

三焉十等為億兆京陔秭壤溝澗正載也三等

者上中下也下數十萬曰億十億曰兆十兆曰

京中數萬萬曰億萬萬億曰兆萬萬兆曰京上

數萬萬曰億億億曰兆兆兆曰京毛氏數萬至

萬曰億者舉中數也又云數億至億曰秭則有

可疑蓋黃帝數術中數交之上萬萬京曰陔萬

萬陔曰稀此應云數萬至陔曰秭而言數億至

億曰秭者有所未詳今以甄氏所舉而下數計



之十萬曰億十億曰兆十兆曰京則百億也十  
京曰陔千億也十陔曰秭萬億也豈毛下數言  
之而今本轉寫誤曰數億至億乎數萬數億之  
數色主反○方社見小雅甫田

有瞽

頌十

始作樂而合乎祖

經○釋文應應對之應

傳○周禮瞽矇上瞽四十人中瞽百人下瞽百有

六十人掌播鼗祝敔塤簫管弦歌鼓琴瑟眡  
三百人凡樂事相瞽矇音蒙塤音誼眡音視  
了○箋合者大合諸樂而奏之疏合諸樂器於  
太祖之廟太祖謂文王也○棘音胤○樂書少

昊氏冒革為鼓夏后氏加四足商楹鼓為一楹  
而四稜貫鼓於其端猶四植之桓圭也縣鼓周  
人所造之器始作樂而合乎祖者也禮曰縣鼓  
在西應鼓在東以應鼓為和終之樂則縣鼓其  
倡始之鼓歟宮縣設之四隅鞀與鼗同所以兆  
奏鼓也有雷鼗靈鼗路鼗○桐杜孔反動也令  
力呈反○敵音同圉鉏音阻鋹音語櫟音歷所  
櫟之木名曰籟音真○樂書簫編竹而成長則  
聲濁短則聲清其狀鳳翼其音鳳聲中呂之氣  
夏至之音也火生數二成數七而夏至又火用  
事之時二七十四則簫之長尺有四寸蓋取諸



此爾雅大簫謂之管小者謂之筴郭璞謂大者長尺四寸小者尺二寸是也然尺四寸者二十四管無底而善應故謂之管尺二寸者十二管有底而交鳴故謂之筴蓋應十二律正倍之聲也中音仲管音言今爾雅本作言筴胡交反○爾雅大管謂之箛注長尺圍寸併漆之有底如篪六孔周禮小師注如篪而小併兩而吹之樂書箛者以其聲大而高也箛音喬篪與笛同○闕若穴反曲終也

潛

頌十

季冬薦魚季春薦鮪

經○毛氏漆沮岐周二水也詳見大雅緜○鱣鮪

見衛碩人鱣鮪見小雅魚麗鯉見陳衡門○解頤新語魚喜潛取者必求之深故曰潛有多魚傳○摻釋文霜甚疏廕心廩三反○埤雅鱣形狹而長若條性浮似鱧而白○箋冬魚之性定春鮪新來疏冬月既寒魚不行孕性定而肥充故薦之河南鞏縣東北崖上山腹有穴舊說云此穴與江湖通鮪從此穴而來北入河西上龍門入漆沮

雝

頌十

武王祭文王

傳○周禮大祝注右讀為侑謂祭祀侑勸尸食而拜大音泰下同○題下及徹帥學士而歌徹樂



師文云大師誤說者則康成也蓋徹祭下詳禮  
疏恐當有器字

載見頌十諸侯助祭武王廟

經○輦革見小雅蓼蕭傳

傳○旂見小雅出車○箋鶴金飾貌○朝音潮

有客頌十微子來見祖廟

經○黃氏周人愛微子也見其所乘之馬亦愛之

見其所御之僕亦愛之馬有潔白之色人有萋

且之敬旅有敦琢之容則周人之於微子無所

不愛也○箋繫絆也

傳○箋選擇卿大夫之賢者與之朝玉言敦琢者

以賢美之故玉言之疏敦雕古今字爾雅玉謂

之雕又曰玉謂之琢是雕琢皆治玉之名○爾

雅有客宿宿再宿也有客信信四宿也○疏古

之朝聘留停日數不可得而詳不知於信信之

後幾日乃可去○從才用反見賢遍反易去聲

武頌二周公為大武之樂

右臣工之什

閔予小子頌二成王免喪朝廟

傳○疏烈文箋云新王即政必以朝享之禮祭祖

考告嗣位然則除喪朝廟亦用朝享之禮祭於

廟○朝音潮○語錄陟降庭止傳注訓庭為直



而說之云文王之進退其臣皆由直道諸儒祖  
之無敢違者而顏監於康衡傳所引獨釋之曰  
言若有神明臨其朝廷蓋衡時未行毛說顏監  
又精史學而不枯於專經之陋故其言獨能如  
此無所阿隨而得經之本指○後漢書李固傳  
昔堯殂之後舜仰慕三年坐則見堯於牆食則  
見堯於羹

訪落

頌二

成王延訪羣臣

經○上時掌反下遐嫁反○詩記保其身無危亡  
之憂明其身無昏塞之患

紹庭上下欲法武王之正朝廷也陟降厥家

欲法武王之齊其家也保明其身欲賴武王  
助其修身也成王之學有本末先後矣

傳○庭燎傳艾盡也則此朕未有艾謂未能盡率

昭考之道也但傳於庭燎則艾音义而此音五

蓋反未詳朝音潮強巨兩反

敬之

頌二

羣臣戒成王王荅之

經○監去聲

陟降厥士天無事而不在也日監在茲天無  
時而不在也君子所以無不敬也

傳○荷合可何佐二反

小忠

頌二

亦延問之辭



小經○必音祕○詩緝人近蜂則被其螫信小人則受其惑蜂不可使前日之事無人使蜂螫我乃我自取其辛螫也我今始信桃蟲之微能翻飛為鳥言小物之能成大不敢不**必**也○又曰莫予**莽**蜂猶云莫予**毒**也已古文莫予莫我之類皆倒提予我以便文耳莫我肯德言無肯德於我莫予**莽**蜂言無**莽**蜂於我他如莫我知莫予云觀之類皆倒辭也

莫予**莽**蜂自求辛螫在我有間物得以乘之肇允彼桃蟲拚飛維鳥事機不謹變必至於大傳○疏爾雅桃蟲鷓鷯注鷓鷯桃雀也俗呼為巧

婦鷓鷯小鳥而生鷓鷯者也陸璣今鷓鷯也微小於黃雀其雛化而為鷓故俗語云鷓鷯生鷓埤雅說苑云鷓鷯巢於葦苕繫之以髮鳩性拙鷓性巧故鷓俗呼巧婦一名工爵一名女匠其啄尖利如錐取茅莠為巢巢至精密以麻紮之如刺韃然故一名韃雀其化輒為鷓鷯鷓鷯音焦苗鷓力么反紮音秩縫也詩記一說猶言初為鼠後為虎不必謂桃蟲化為鷓

載芟頌二未詳所用疑與豐年同

經○耜見豳七月俶尺叔反○說文飶食之香疏椒是木名非香氣但椒木之氣香作者以



椒言香詩緝餼椒皆酒醴芬芳之氣椒之氣烈故古者謂椒酒取其香且烈也○釋文厭於豔反且七也反又子餘反

傳○解音蟹去丘呂反長知丈反眈音萌間音閑勞去聲露積之積如字共音恭養去聲○遂人注疆予謂民有餘力復予之田若餘夫然○大宰以九職任萬民九曰間民無常職轉移執事疏其人為性不營己業為間民而好與人傭賃非止一家轉移為人執事以此為業○詩緝前曰千耦其耘則既耕而耘反土之後草木根株有芟柞不盡者則耘之今曰緜緜其庶則既苗

而耘也○李氏胡考者老人也禮士冠禮祝云永受胡福注云胡遐也

良耜頌二同前

經○筐筥見召南采蘋傳○饌與餉同廣韻饋也自家之野謂之饌○箋豐年雖賤者猶食黍蔬少牢特牲大夫士之祭食有黍明黍是貴玉藻子卯稷食為忌日貶是稷為賤食有稷食之食音嗣○積子賜反○箋揀曲貌

傳○刺七亦反去起呂反辣盧達反○說文櫛梳篦之總名○詩緝百室在六卿為族而族師掌以歲時校登其夫家之衆寡在六遂為鄩而鄩



長掌趨其耕耨與其戒令政事莫不同之故使之同時納穀所以示親睦均有無也趨音促○題下籥章至息老物見豳風之末

絲衣頌二十七祭而飲酒 異

經○鼎音茲○兕觥其觥見小雅桑扈傳胡考見載芟

傳○疏爵弁之服玄衣纁裳皆以絲為之故云絲衣也詩緝餘衣皆用布惟冕與爵弁服用絲大夫以上祭服謂之冕士祭服謂之弁其首服弁則其衣服用絲故知絲衣為士助祭之服○詩緝雜記云大夫冕而祭於公士弁而祭於公註

云弁爵弁也爵弁冕之次其色赤而微黑如爵頭然○塾見陳衡門○爾雅鼎圜弁上謂之鼎注斂上而小口者圜音圓弁古掩字○特牲饋食禮先夕陳鼎于門外有鼎牲在其西設壺禁在東序豆籩釧在東房主人即位于門外西面入即位于堂下宗人升自西階視壺濯及豆籩反降東北面告濯具主人出復外位宗人視牲告充宗人舉鼎霽告潔詩疏特牲雖則士禮而士卑不嫌其禮得同君故準特牲為說霽與冪同莫狄反釧音刑

酌頌二十八頌武王



傳○題下勺音酌祭統舞莫重於武宿夜黃震東  
發日抄武宿夜武曲名即大武之樂武王伐紂  
至於商郊停止宿夜士卒皆歡樂歌舞以待旦  
因名焉

桓頌二頌武王

經○釋文間間廁之間

傳○題下類禡見大雅皇矣禡馬嫁反

賚頌三封功臣

般頌三十一巡守柴望

經○箋敷徧也

傳○守音狩朝音潮

右閔予小子之什

頌譜

時邁

右二詩武王時

清廟

烈文

思文

振鷺

潛

武

敬之

維天之命

天作

臣工

豐年

載見

閔予小子

小毖

維清

我將

噫嘻

有瞽

有客

訪落

載芟

詩集傳名物鈔卷八

十一



良耜

絲衣

酌

桓

賚

般

右二十七詩周公所定皆成王時作

昊命有成命

右康王以後詩

執競

右昭王以後詩

魯頌

傳○禹貢海岱及淮惟徐州蒙羽二山名蔡傳地志蒙山在泰山郡蒙陰縣西南今沂州費縣羽山在東海郡祝其縣南今海州朐山縣費兵媚

反胸權俱反○前編武王滅商封周公於魯都曲阜少昊大庭之墟留相周武王崩成王立元年周公攝政命伯禽代就封於魯鄭譜魯者少昊摯之墟國中有大庭氏之庫疏曲阜在魯城中委曲長七八里○明堂位曰成王以周公有勲勞於天下命魯公世世祀周公以天子之禮樂是以季夏六月以禘禮祀周公於太廟牲用白牡尊用犧象山罍鬱尊用黃目灌用玉瓚大圭薦用玉豆雕篋爵用玉琖仍雕加以璧散璧角俎用椀巖升歌清廟下管象朱干玉戚冕而舞大武皮弁素積裼而舞大夏犧素何反瓚才



且反簋素緩反邊屬以竹爲之雕刻飾其直散  
先且反椀苦緩反虞俎名歲居衛反夏俎名椀  
始有四足歲爲之距。○孔子曰魯之郊禘非禮  
也周公其衰矣。○程子曰周公之功固大矣皆  
臣子之分所當爲魯安得獨用天子禮樂哉成  
王之賜伯禽之受皆非也。○通鑑外記初魯惠  
公使宰讓請郊廟之禮於天子王使史角往魯  
公止之陳傅良春秋後傳諸侯之有郊禘東遷  
之僭禮也史曰秦襄始列於諸侯作西時祠白  
帝僭端見矣位在藩臣而臚於郊祀君子懼焉  
則平王以前未有也魯之郊禘惠公請之也惠

公雖請之而魯郊猶未率爲常也僖公始作頌  
以郊爲夸焉記禮者以爲魯禮皆成王賜之以  
康周公案衛祝鮀之言曰周公相王室以尹天  
下於周爲睦分魯公以大路大旂夏后氏之璜  
封父之繁弱殷民六族以昭周公之德分之土  
田陪敦祝宗卜史備物典冊官司彝器則成王  
命魯不過如此隱公考仲子之宮問羽數於衆  
仲周公閱來聘饗有昌歆白黑彤鹽周公閱以  
爲備物辭不敢受衛甯武子來聘宴之賦湛露  
及彤弓武子不荅賦曰諸侯朝正於王於是乎賦  
湛露諸侯敵王所愾而獻其功於是乎賜之彤



弓假如記禮之言得用郊禘兼四代服器官祝  
 鮓不應不及況魯行天子之禮久矣隱公何以  
 始問羽數閱何以辭備物之享甯武子何以致  
 譏於湛露彤弓于以見魯僭未久上自天子之  
 宰至于兄弟之國之卿苟有識者皆疑怪遜謝  
 而魯人並無一語及成王之賜以自解故郊禘  
 之說當從劉恕分扶問反父音甫衆音終歎徂  
 感反○疏伯禽卒次考公酋煬公熙幽公宰魏  
 公潰厲公擢獻公具真公濞武公敖懿公戲及  
 伯御又孝公稱惠公弗湟隱公息姑桓公允莊  
 公同閔公開卒而僖公申立從周公數之故為

十九世潰音沸真音慎濞匹位反○解頤新語  
 魯頌之異於商周者四商周天下頌之魯國人  
 頌之一也商周以告神明而魯用以燕樂二也  
 商周子孫頌其先魯臣下頌其君三也商周多  
 事實魯多禱頌四也

駟魯僖公富盛異

經○詩緝薄言發語辭薄言聊言之而已疏薄言  
 駟者有何馬也乃有駟皇之類○二章駢息營  
 反駢音期○三章駱雒並音洛駟音留  
 每章之意惟在第七句無疆者廣大也無期  
 者不苟於近利也無斁者持之能久也唯所



言集傳卷八  
十一  
思者如此故久而有富盛之效正秉心塞淵  
駮牝三千之意其富盛非特馬也因馬可以  
見其他爾然思之無疆無期無斃猶未知所  
思者當邪否邪至其卒章辭曰思無邪則見  
其心之正取於民者有制其富盛皆所當得  
非培克苛斂以致之者詩人一字之妙而意  
有餘此孔子所以取之以蔽三百篇也但此  
則人頌其君之辭未必僖公能然也

傳○一章䟽腹謂馬肚幹謂馬脅○邑外至郊謂  
之坵爾雅文注云邑國都也假令百里之國五  
十里之界界各十里䟽大判而言則野者郊外

通名故毛氏傳坵遠野也○躡黑色跨髀間所  
跨據之處白跨髀間白也駮赤色黃駮謂黃而  
雜赤者跨苦化反髀音陞○皇見幽東山○二  
章駮符悲反伾符丕反二符字誤釋文駮府悲  
反伾敷悲反皆類隔切今並易作攀悲反○䟽  
駮今之桃華馬駮駮皆云雜毛是體有二種之  
色相間雜如黃白曰皇黃駮曰黃止一毛色之  
中自有淺深與此二色者異駮為純赤色言赤  
黃者謂赤而微黃其色鮮明者也上云黃駮曰  
黃謂黃而微赤駮謂青而微黑今之驄馬也○  
三章麟良忍良辰二反駮北角反鬣力輒反馬



驥也驥子紅反○卒章駟又見小雅皇皇者華  
疏彤赤色駟今赭白馬骭膝下之名脚脰也豪  
骭豪毛在骭而白長也骭戶晏反

有駟魯燕飲頌禱異

經○一章詩緝有駟然而肥強者維何乎其駟然  
肥強者是彼一乘之黃馬也連言有駟非一馬  
也

馬雖起興亦以富盛者言之也在公明明者  
事上盡職也在公飲酒者撫下以恩也載燕  
則又言夙夜無所事惟燕樂耳故上言樂舞  
容節而後惟頌禱也

傳○一章治去聲樂音落○三章遺去聲

泮水魯飲於泮宮而頌禱異

經○一章旂見小雅出車○鸞見秦駟賦傳○二  
章藻見召南采蘋○三章茆音卯○五章陶音  
遙○六章箋訕訟也○七章斲音亦○八章箋  
懷歸也歸就我以善言喻人感於恩則化○魯  
齋此頌伯禽詩平淮夷獻馘泮宮而作

一章言公至泮宮而羣臣從二章言飲羣臣  
而恩意洽三章既飲酒而祝其壽且告以順  
大道而行則有服人之效四章以後皆祝頌  
之辭而各有所指曰敬明其德是告之以明



德工夫也內則敬以明其德外則敬以慎其威儀則維民之則矣是以見於事業者允文允武有孝而假烈祖求福祐也五章曰克明其德是已能明其德也故有作泮宮以下之效六章言軍師和而軍旅之盛也七章言勝淮夷八章言淮夷服上三章道其所已然後五章祝其所未然也

傳○一章毛氏天子辟靡諸侯泮宮箋辟靡者築土雖水之外使圓如璧四方來觀者均也泮之言半也半水者蓋東西門以南通水北無也疏辟靡者築土為堤以壅水之外使圓如璧璧體

圓而內有孔此水亦圓而內有地是其形如璧也言四方來觀者均則辟靡之宮內有館舍外無牆院也泮宮必疑南有水者以行禮當南面而觀者北面故也雖壅同○芹見小雅采菽○三章䟽茆與苕菜相似葉大如手赤圓有肥者著手中滑不得停莖大如匕柄葉可以生食又可鬻滑美江南謂之尊菜或謂之水葵○五章禮䟽在學謀論兵事其謀成定受之於學征伐還反釋奠於學以可言問之訊截左耳之馘告先聖先師訊馘又見小雅出車及大雅皇矣傳○七章䟽荀卿論兵云操十二石之弩負矢五



十个是以一弩用五十矢荀則毛氏之師故從其言以五十矢為束鄭注大司寇一弓百矢則鄭竟以百矢為束尚書左傳皆云彤弓一彤矢百故束矢當百个而在軍之禮重弓以備折壞或亦分百矢以為兩束歟○卒章黜尸荏反誤當作時審反○鴉見陳墓門○遺于醉反○疏禹貢荆揚貢金三品鄭注銅三色青白赤也王肅以為金銀銅

閼宮魯四僖公修廟而祝頌之辭

經○孟子戎狄是膺荆舒是懲周公方且膺之子金子曰王文憲嘗言閼宮之詩蓋有錯簡當從

孟子為正蓋第一節說姜嫄后稷第二節說大  
王文武第三節當說周公之功而今詩但說成  
王封周公之子似逸一節下文公車千乘戎狄  
是膺荆舒是懲則莫我敢承當是第三節言周  
公四征弗庭伐淮踐奄之功周無徐州故淮夷  
為荊州之界而舒在今淮西也第四節始及王  
曰叔父至乃命魯公第五節方說周公之孫莊  
公之子方頌僖公第六節說饗祀降福而俾爾  
之祝以類相從已後皆祝頌之辭如此則孟子  
之時詩未錯簡而孟子所引正是周公也○黍  
稷見王黍離○重穆見豳七月傳○菽見小雅



言集傳各物金卷八  
三十三  
小明○稻見唐鵠羽傳○秬見大雅生民○三章龍旂見小雅出車○駢赤也色純曰犧○四章釋文福音福犧素何反○籩豆見豳伐柯○五章台背見大雅行葦傳○八章社音耻○卒章桷方椽也○舄音昔  
傳○一章䟽晉語及書傳說天子廟飾斲其材而礩之加密石焉諸侯斲而礩之天子加密石也礩盧紅反○䟽重穆稗穉生熟早晚之異稱非穀名先種曰稗後種曰穉當是先種先熟後種後熟傳略而不言○郃湯來反○二章斷音短○幽岐見大雅緜○與羊怒反

實始翦商謂周之所以滅商者自此基之爾大王非有翦商之謀也蓋古公遷岐人從之如歸市而吳越春秋謂古公居三月成城郭一年成邑二年成都而民五倍其初此彷彿帝舜氣象則德化及於民其勢固不可遏也但遷岐在殷王小乙之時後高宗立傳說為相中興在位五十九年次祖庚立七祀次祖甲二十八祀而文王生書稱祖甲不義惟王知小人之依能保惠庶民不敢侮鰥寡肆祖甲享國三十三年自遷岐至文王之生已九十餘年古公壽百二十歲後不知的於何年



言集傳名物金卷八  
卒計在文王生一二年之後則古公始終正  
居商令王有道之世翦商之志何自而生邪  
孟子曰由湯至於武丁賢聖之君六七作天  
下歸殷久矣久則難變也武丁朝諸侯有天  
下猶運之掌也紂之去武丁未久也然而文  
王由方百里起是以難也古之君子以事實  
論商周者蓋如此求詩之過者多失其實故  
傳止曰蓋有翦商之漸謂其國自是而漸大  
真得詩人之意矣而論語集注之云則未及  
改定也  
四章畫胡卦反爛似鹽反湯中淪肉去起呂反

大音泰劔音刑渚音泣和胡卧反盛平聲○爾  
雅瓦豆謂之登○跗方于反○䟽周語禘郊之  
事則有全烝王公立飫則有房烝親戚宴饗則  
有穀烝如彼文次全烝謂全載牲體穀烝謂體  
解節折則房烝是半體可知此云房故知是半  
體之俎○五章將子亮反○奇紀宜反英又見  
鄭清人傳䟽絲纏而朱染之以爲矛之英飾小  
戎竹閉緄滕傳緄繩滕約也此滕亦謂約之以  
繩也○二章矛又見鄭清人傳○䟽貝者水蟲  
甲有文章胄謂兜鍪貝非爲胄之物故知以貝  
爲飾兜當侯反鍪迷浮反○䟽朱綬赤綫謂以



朱綫連綴甲也綫即線字荆舒見小雅漸漸之石○艾音义○六章䟽泰山在齊魯之界其陽則魯其陰則齊書蔡傳泰山在今襲慶府奉符縣西北三十里○郡國志泰山郡博縣有龜山齊歸龜陰之田杜預曰田在山北即襲慶府奉符縣也地理志泰山郡蒙陰縣蒙山在西南書蔡傳在今沂州費縣○七章地理攷異鳧山在兗州鄒縣東南三十八里嶧山一名鄒山在鄒縣南二十二里其山東西二十里南北十三里高秀獨出積石相臨殆無土壤○應去聲屬之玉反○八章䟽常魯南鄙許為西鄙○朝音潮

○卒章地理攷異徂來山亦曰尤來在兗州乾封縣今為奉符縣水經注山在兗州梁父奉高博城三縣界後魏魯郡汶陽縣有新甫山汶陽故城在兗州泗水縣東南○教護屬功課章程䟽教令工匠監護其事屬付功役課其章程也屬音燭

魯頌譜

閼宮

右一詩僖公

駟

有駟

泮水

右三詩不知何世駟本傳雖以為僖公



詩而總說則以為無所考

商頌

傳○契十四世至湯案史記契一昭明二相土三昌若四曹圉五冥六振七微八報丁九報乙十報丙十一主壬十二主癸十三湯十四皆父子相傳契音泄○自成湯至于紂二十八世其二世太甲受伊尹之訓反善修德諸侯咸歸是為太宗其後殷衰至七世大戊伊陟為相殷復興是為中宗其二十世武丁舉傅說為相殷道復興是為高宗所謂三宗也○武王滅紂封其子武庚于殷成王三年武庚叛周公東征誅武

而封紂庶兄微子啓於宋○書蔡傳泗水出魯國卞縣桃墟西北陪尾山源有泉四四泉俱導因名西南過彭城又東南過下邳入淮卞縣今襲慶府泗水縣也宋即漢唐睢陽宋應天府今歸德府其境東接泗濱○書蔡傳孟豬在梁國睢陽縣東北今應天府虞城縣西北孟豬澤是也孟與盟同○史記宋世家微子卒弟衍立是為微仲卒子宋公稽立卒子丁公申立卒子湣公共立卒弟煬公熙立湣公子鮒祀弒煬公自立是為厲公卒子釐公舉立卒子惠公覲立卒子哀公立卒子戴公立自微子至戴公十一君



傳謂七世至戴公者蓋父子相傳為一世微子  
 微仲兄弟當自宋公稽始煬公亦以弟襲位故  
 自宋公至哀公為七世而戴公仍在七世之外  
 也鮒符遇反釐音僖覲古莧反○正考甫宋大  
 夫微子之後孔子七世祖強其兩反○史記正  
 義括地志宋州穀熟縣西南三十五里南亳故  
 城即湯都也宋州北五十里大蒙城為景亳湯  
 所盟地因景山為名所謂北亳河南偃師為西亳帝  
 嚳及湯所都盤庚亦徙都之湯即位都南亳後  
 徙西亳

那商祀成湯之樂

經○鞀見周頌有瞽○鼓見周南關雎○衍苦旦  
 反嘒呼惠反○管見周頌有瞽○萬舞見邶簡  
 兮

傳○衍樂之樂音隆闕苦穴反齊側皆反所樂之  
 樂五孝反為于偽反僂音愛愾開代反○朱子  
 曰張子云玉磬聲之最和平者可以養心其聲  
 一定始終如一無洛殺也殺色界反○鏞見大  
 雅靈臺傳○魯語注馬父魯大夫言勉聖人行  
 此恭敬之道久矣不敢言創之於已乃云受之  
 於先古也父音甫○題下魯語注名頌頌之美  
 者也輯成也凡作篇章義既成撮其大要以為



亂辭詩者歌也所以節舞曲終乃更變章亂爵故謂之亂

烈祖商同上

經○祐酤本皆候五反傳於酤有叶字恐誤○眉壽黃耇見小雅南山有臺傳○溥音普

傳○定丁佞反

玄鳥商祭宗廟

經○釋文負音圓又音云

鄭氏謂此為禘祭之詩宜誠然也蓋詩敘歷世之君之德不可奏于一廟故也天命玄鳥至宅殷土芒芒言契古帝命武湯至奄有九

有言湯商之先后至在武丁孫子言羣后武丁孫子至大禘是承言諸侯之從邦畿千里至來假祁祁言善政自內及外而其效如此景負維河以下又總言殷之受祿于天也

傳○馭鳥拔反燕色黑故謂之玄鳥○毛氏春分

玄鳥降湯之先祖有娥氏女簡狄配高辛氏帝辛率與之祈于郊禘而生契箋馭遺卵簡狄吞之而生契史記簡狄為帝嚳次妃三人行浴見玄鳥墮卵簡狄吞之因孕生契長而佐禹治水有功帝舜乃命契為司徒封於商賜姓子氏索隱曰契生堯代舜始舉之必非嚳子以其父微



故不著名其母有娥氏女與宗婦三人浴於川則非帝嚳次妃明矣老泉蘇氏曰史記載簡狄行浴見燕墮卵取而吞之因生契為商始祖神奇妖濫不亦甚乎使聖人而有異於衆庶也天地必將儲陰陽之和積元氣之英以生又焉用此微禽之卵哉燕墮卵於前取而吞之簡狄其喪心乎史遷之意必以詩有天命貺鳥降而生商而言之此遷求詩之過也毛公之傳詩也以貺降為祀郊禘之候及鄭之箋而後有吞踐之事遷之說出於疑詩而鄭之說又出於從遷矣甚矣遷之以不祥誣聖人也子金子案史記自

謂以頌自次契事然不得頌之意玄鳥之頌曰天命玄鳥降而生商蓋古人以玄鳥至之日祠于高禘以祈子也簡狄以是日祈焉而孕故傳述其感生之祥史以行浴墮卵之事附之幾於罔矣長發之頌禘祫之詩也推其祖之所自出者不過敘禹敷土之時有城外氏之盛而契始受封有國是開有商一代之基而未見其為嚳子也豈以太史克有高辛氏才子之言傳者有殷人禘嚳之說遂繫之嚳與然以頌次之則史傳之言為不可信矣娥風中反禘音梅喪息浪反○竟境同○旂見小雅出車○語錄景負維河



一句不知說甚麼想當時有此語人都曉得今不可曉○家說毛氏諸詩注景訓大負訓益釋文河本作何若依此訓此文則是大益維何問辭下則應辭也○家說那與烈祖二詩皆五章章四句以韻考之可見獨第五章各加顧予烝嘗湯孫之將二句以為亂辭据他詩例當稱五章章四句一章六句何不可者而必欲準之周頌以為一章則失之牽合矣國語稱邢之末章為其輯之亂則元非一章明甚又長發殷武皆名著章數不應一頌自為二體也玄鳥一章亦當分四章章皆五句獨第三一章七句此詩每

章之首皆承上章末字發辭正與文王下武等詩相類此皆其分章處也要之商魯二頌自與周頌不同其詞義深淺較然可見烏得以一律並言之哉今案商頌皆毛鄭章句而朱子從之今著項氏之說于此以存異義

長發商 裕祭之詩

經○三章躋子兮反祇音支

傳○一章知音智見音現竟境同

史記正義有娥當在蒲州今河中府○二章應去聲

三章同與平聲卒章同○四章屬音燭繆所銜

反見鄘干旄著直略反荷上去二音○五章鄭



氏共音拱下同珙亦同駝音庵○六章地理考  
 異韋顧昆吾皆祝融後滑州韋成縣古豕韋國  
 顧城在濮州范陽縣東二十八里夏之顧國濮  
 州濮陽縣即昆吾之墟亦曰帝丘古昆吾國故  
 城在縣西三十里昆吾臺在縣西百步○已音  
 身齊紀寰宇記解州安邑縣桀所都○卒章尚書孔  
 傳阿倚衡平言倚以取平亦曰保衡○題下與  
 音預音預  
 殷武商五祀高宗其雨奔奔於音預其雨奔奔於音預  
 經○二章羌去羊反○卒章斲斫也楠見魯閼宮  
 楹柱也音預

高宗中興之功必以伐荆楚為大故作頌者  
 惟言此以見殷之復治者在是蓋蠻夷猾夏  
 聖人所憂四夷來王盛德所及也一章伐楚  
 而楚人服二章楚既服而可繼成湯三章諸  
 侯皆從四章為治有道而天降之福五章中  
 興之盛卒章廟成而祭也  
 傳○一章疏周有天下始封熊繹 為楚子於武  
 丁之世不知楚君何人史記熊繹成王所封○  
 二章疏周禮大行人九州之外謂之蕃國世一  
 見其國父死子繼及嗣王即位乃來朝也見音  
 現朝直遙反



商頌譜

那 烈祖

二章起右太甲以後作

殷武 右祖庚以後作

右祖庚以後作

長發

右二詩不知何世

詩總圖

周 衛 鄭 齊 唐 秦 陳 曹 魯

文王

周南 關雎

葛覃

卷耳

樛木

蠡斯

桃夭

兔置

芣苢

漢廣

汝墳

麟之趾

召南 鵲巢

詩集傳名物鈔卷八

三十一



采蘩

草蟲

采蘋

行露

羔羊

殷其雷

標有梅

小星

江有汜

騶虞

文王

武王

小雅鹿鳴

四牡

皇皇者華

伐木

離

武王

成王

小雅天保

蓼蕭

湛露



彤弓

楚茨

信南山

甫田

瞻彼洛矣

裳裳者華

桑扈

大田

采薇

出車

杕杜

南陔

白華

華黍

魚麗

由庚

南有嘉魚

崇丘

南山有臺

由儀

菁菁者莪

武王

康叔

太公

胡公叔振文公



言真傳名物錄卷八

三十五

在位七年

封

呂尚

媯滿鐸

旦

頌時邁

武王元年封

武王元年封

武王元年封

武王元年封

武王元年封

鴛鴦

頰弁

車牽

魚藻

采菽

成王

叔虞

在位三十七年

成王元年封

鬻月舊詩周陳公

其子改為晉

鴟鴞

東山

破斧

伐柯

九罭

狼跋

小雅常棣

大雅文五

大明

緜

棫樸

旱麓

詩集傳名物錄卷八

三十五



思齊

皇矣

靈臺

下武

文王有聲

生民

行葦

既醉

鳧鷖

假樂

公劉舊詩召公陳

洞酌

卷阿

頌清廟

維天之命

維清

烈文

天作

我將

思文

臣工

振鷺



豐年

有瞽

潛

載見

有客

武

閔子小子

訪落

敬之

小毖

載芟

良耜

絲衣

酌

桓

賚

般

康王

頌矣有命

噫嘻

昭王

在位二十六年

康王以後



在位五  
十一年

頌執競昭王以後

穆王

在位五  
十五年

共王

在位十  
二年

懿王

在位二  
十五年

孝王

在位十  
五年

夷王

非子

在位十  
六年

厲王

在位五  
十一年

大雅民勞 釐侯

板

厲王二十  
五年立

蕩

桑柔

鄘相舟

宣王

在位四  
十六年

小雅六月 武公桓公

采芑

宣王十  
六年立 友

孝王七  
年封為  
附庸



車攻 淇奧 宣王二十二年封

吉日 左公賦公

黍苗

大雅 靈漢

崧高 禮樂

烝民 立

江漢 十五平

常武 武

宣王

幽王

平王

小雅 靈臺

襄公

幽王

幽王五年立

在位十一年

車鄰

籟 蕤 山

駟鐵

正月

小戎

十月之交

終南

小弁

無衣

鼓鍾

白華 詩公為公

大雅 瞻

召旻



平王

在位五  
十一年

國風黍離 莊公武公

昭侯

揚之水 平王十  
四年立

平王二  
十六年  
立

大雅抑 邶棗

無不

綠衣

揚之水 於南

日月

椒聊 小苾

終風 莊公

車

碩人 平王二  
十八年  
立

車

擊田

車

大擊田

桓王 州吁 襄公

在位二  
十二年 桓王元  
年弒君 桓王二十  
二年立

自立 南山

燕燕 敝笱

擊鼓 載驅

宣公 猗嗟

桓王二  
年立

新臺

二子乘舟

惠公



桓王二十一年立

牆有茨

君不寔

鶉之奔奔

莊王

僖王

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

宣公

四

共公僖公

惠王二十五年立

穆公

惠王十年立

無衣

晉

武公

僖王二年始并

戴公文公

惠王十七年立

惠王

在位二十五年

候人閱宮

葛生渭陽

采芩

定之方中

蝮蝮

相鼠

干旄

河廣



襄王

在位三十二年

康公

襄王三十二年立

頃王

在位六年

黃鳥

靈公

頃王六年立

匡王

在位六年

株林

定王

在位二十一年

穆公

定王八年立

式微

菴丘

右詩一百八十三篇依朱子所定知其時世如此餘不可知也

詩集傳名物鈔卷第八

後學 成德 校訂



青葉野子吟餘卷八

野學 丸餅 卷八

安此翁不可味也

古語一百八十三條外米千飯史味其初也

卷八

文化十年刊

發弘  
書林

日本橋通二丁目

山城屋佐兵衛



